


1/3  
17=



食貨三十四

宋會要

卷三百十二

宋會要

身

吳興劉氏嘉業堂鈔本

宋會要卷第二百三十三

大興徐松輯大典本

食貨三十二商稅雜錄一

吳興劉氏嘉業堂鈔本

每卷首  
前三行  
格式

吳興劉氏嘉業堂鈔本

食貨式拾肆

大興徐松輯大典本

宋會要卷二百叁十叁

吳興劉承幹編定

商稅雜錄上

太祖建隆元年四月詔諸州勿得苛留行旅賫裝除貨幣當輸筭外不得輒發篋搜索上同

二年二月詔蔡河穎河五丈河及汭河州縣民船載粟者勿筭上同

三年七月知舒州右諫議大夫馮瓚言州界淀泊產蔬蒲魚菜居民採以自給前防禦使司起在任徭率稅錢疲俗甚苦詔悉除之上同

吳興劉氏嘉業堂鈔本

四年八月詔曰登州沙島土居人戶深在海嶠皆出王租比聞自備舟船般載女真鞍馬春言勞役宜示矜蠲應所納夏稅麴錢及沿納泛配諸雜物色并州縣差徭今後並與放免其渡馬迴般上木植自前州司多令抽納亦並除之上同

乾德三年十月詔忠州等處偽蜀日以魚為膏輸其筭者悉罷之上同

四年七月詔劔南道應偽蜀日有以來麴收筭者罷之上同

六年四月免普州行鋪賃地錢上同

開寶四年四月廣南轉運使王明言廣州承前止於河

步收稅猪羊鵝鹿魚果并外場鎮課利歲收銅錢一千七十貫收復後來商旅甚多已令本州便宜置場收稅從之上同

四月詔嶺南道應稅及鹽麪並依荆湖禁法上同

十月知邕州范旻言本州有制置務元是廣南創置不

隸州縣占却稅戶自立一作富營田復抽收商稅及將收

到課利博場人戶甚受其弊詔今停廢其所管抽收商

稅劃入商稅院上同

六年七月詔廣南州縣歲輸稅米每石加率錢一百六

十自今每碩止納十文餘並除放上同

八月免成都府免家嫁娶資裝抽稅 先是偽蜀時部

吳興劉氏嘉業堂鈔本

民凡嫁娶皆籍其幃帳粧奩之數估價抽稅至是除之上同

太宗太平興國六年十月詔密州管內官牛百二十六頭先給於民歲輸租麥四百二十碩牛已死而租未免自今悉除之上同

七年六月詔江淮湖浙民販薑葦者勿筭上同

八年四月漳州言龍溪等三縣民偽命日配充館夫擔擎物色及脩公宇橋道後來本州將館夫紐價錢凡銅錢二千一百五十餘貫鐵錢二萬一千五百三十餘貫詔並除之上同

八月詔桂州承前配納糖及茶葉并死傷牛租米及四

處稅場增添年額共八十餘貫並與除罷上同

九年十月鹽鐵使王明言西川峽路諸州商稅自來雜

用銅錢其價不等請自今比市價每一貫收住稅三十

過稅二十從之上同

淳化元年二月一日詔諸處魚池舊皆省司管係與民

爭利非朕素懷自今應池塘河湖魚鴨之類任民採取

如經市貨賣即准舊例收稅 先是淮南江浙荆湖廣

南福建路當借據之時應江湖及池潭陂塘聚魚之處

皆納官錢或令人戶占買輸課或官遣吏主持太宗聞

其弊故有是詔上同

二月詔曰泰州司馬堰先置板賈人船過者取其筭除

秦

吳興劉氏嘉業堂鈔本

之上同

四月詔興化軍兩浙偽命日以官牛賦於民歲輸租牛

或死傷則令民買償自今除之仍以官牛給租牛戶上同

八月詔舒州管內四處魚池除望江官池外其桐城縣

大龍宿松縣小孤及長武湖等三處魚池特免稅任民

採運上同

十月十三日詔婺州金華東陽兩縣陂湖歲取魚稅並

除之縱民採捕吏勿禁上同

二十一日詔興國軍大冶縣魚池潭步地

江南請江湖  
邊岸出船之

地日步以所坐物為名偽國日納魚稅外復於繒網每

夫歲收十錢頗甚擾自今除之上同

請疑諸

坐疑也  
外疑也  
坐疑也

十月二十六日詔邕州瓊州為命日每遇市集居人婦女貨賣柴米者邕州人收一錢以為地鋪之直瓊州梗米計稅四錢糯米五錢並除之上同

二年二月二十日詔峽路州軍於江置撞岸司賈人舟船至者每一舟納百錢已上至一千二百自今除之楊潤常三州商稅取筭外境上又倍征者自今止得一度收稅上同

二十四日詔曰關市之租其來舊矣用度所出未遑削除征筭之條當從寬簡宜令諸路轉運司以部內州軍商稅名品參酌裁減以利細民上同

閏二月詔峽路先是商人船載米麥計斗取其筭并

路下疑有脫落  
。文疑脫落

吳興劉氏嘉業堂鈔本

簞席等稅並除之上同

十月江南轉運司言鄂州舊例鹽米出門皆收稅錢詔自今民販鹽斛斗及買官鹽出門並免收稅上同

四年七月詔岳州歲輸魚膏四千五百八十斤納七錢並除之商人販易不得輒由私路募告者厚賞之上同

九月禁兩京諸州不得挾持搜索以求所筭之物上同  
閏十月詔商人經潼關東西行者勿出筭上同

五年五月詔曰古者市廛而不稅關譏而不征蓋所察奇衰而禁浮惰也國家筭及商賈以抑末游既以防民克助經費而當職之吏恣為煩苛規餘羨以市恩寵細碎必取搭克斯甚交易不行異夫通商惠工之旨也自

助

今除商旅貨弊外其販夫販婦細碎交易並不得收其  
筭當筭之物今有司件析頒行天下揭于板榜置官字  
之屋壁以遵守焉國朝之制劉原校帛什器香藥寶貨羊  
豕民問典膏莊田店宅馬牛驢羸索  
至道元年九月詔兩浙諸州紙扇芒屨及他細碎物皆  
勿稅上同

十二月十九日通判永興軍府楊覃言官市脩河竹六  
十餘萬竿望免稅詔從之上同

二年十二月詔民間所織練帛非出鬻於市者勿得收  
筭上同

三年七月二十一日峽路轉運司言近歲獻封者請增

吳興劉氏嘉業堂鈔本

歸峽等州稅筭名件商賈不行詔除之上同

二十八日上封者言嶺南村墟聚落間日會集裨販謂  
之虛市請降條約令於城邑交易莫增市筭帝曰徒擾  
民爾可仍其舊上同

八月四日除杭越州寺院童行錢民所賦丁身錢先  
是錢俶時民納丁稅錢其出家童行未入僧籍亦輸之  
至是除免上同

二十日江南轉運司言吉州稅物有名件繁細者頗擾  
于民詔並除之上同

十月知益州張詠言萬州管內有官收津渡錢數百貫  
兼有稅場皆甚擾民詔並除放上同

兼有稅場皆甚擾民詔並除放上同

十二月一日免洪州袁州每歲二社酒錢<sub>上同</sub>

真宗咸平元年二月除渠閘二州祐牛骨稅錢<sub>上同</sub>

十一月除代州板橋木筭錢<sub>上同</sub>

三年三月免通州蔡港渡錢<sub>上同</sub>

六月十日詔以荆湖艱食令桂州已北勿禁人商販糧

斛仍蠲其征筭<sub>上同</sub>

五年二月十九日除果州官邸店本課外地鋪錢<sub>上同</sub>

二十三日除合州赤水巴州川二縣長利謝市樓灘三

鎮酒稅錢以經寇殘槩也<sub>上同</sub>

景德元年七月魯國長公主言先遣人往華州市木乞

免商稅帝曰先朝深戒戚里不得於西路收市材木蓋

吳興劉氏嘉業堂鈔本

慮因緣販易侵壞法一作制魯國所請且從之可召駙

馬都尉柴宗慶諭旨自今不得如此<sub>上同</sub>

十二月十一日以河北經寇乏耕牛免河南商人賣牛

稅<sub>上同</sub>

二年三月詔具州民所輸稅物先經商稅院收筭然後

輸官甚無謂也宜除之先是節度使孟元詰在鎮日

令民當輸稅物者先筭規其餘羨以備留使之用帝聞

之而有是詔<sub>上同</sub>

八月二十九日詔涇原儀渭等州蕃部所給馬價茶沿

路免其稅筭<sub>上同</sub>

三年三月免簡州民造舍所輸竹木稅錢<sub>上同</sub>

四月一日詔河北諸州軍市征權酤比常課不及者特展限三月同上

六月八日詔東西兩川商稅鹽酒課所納二分全宜罷之其願納者聽 先是計司請令半輸銀帛外其二分入金帛聞其州郡不產故有是詔同上

十二日除杭越等十三州軍稅鵝鴨年額錢 先是江浙諸州奉詔蠲鵝鴨稅而司關征者尚計三額故申明同上

九月詔京城稅炭場自今抽稅特減十之三同上

四年六月詔淮南轉運司楊州民採薪柴官中承例十稅其二自今除之同上

吳興劉氏嘉業堂鈔本

七月二日詔河南府永安縣民僦官舍錢減其半永為定制同上

大中祥符元年九月免夔州地基錢 自改築新城徙民居之有輸課者至是罷焉同上

二年二月免文武官所市食羊筭錢同上

四月江淮發運使李溥言糧綱舟卒隨行有少物貨經歷州縣悉收稅筭望與蠲免從之同上

六月七日詔自今諸色人將帶片散茶出新城門百錢已上商稅院出引百錢已下只逐門收稅村坊百姓買供家食茶末五斤已下出門者免稅商賈茶貨并茶末依舊出引同上

十四日除昇州竹木稅上同

十月詔如聞并州民鬻石炭者每馱抽稅十斤自今除之上同

三年閏二月詔在京諸軍賣所請春冬衣絹帛者自今勿收稅 先是殿前司諸軍營在新城外者賣所請衣帛不得過一月踰月即依例收筭月內賣者皆本軍出引城門驗以出入軍士至眾給驗頗繁故有是詔上同

十二月九日詔天下樵魚及貧乏者所過津渡悉免其筭上同

四年七月一日詔兩浙福建荆湖南北廣南東西路歲輸身丁錢四十五萬四百六貫並從之上同

吳興劉氏嘉業堂鈔本

五年正月二十八日除沿漢江州軍渡船力勝錢上同

二月十九日詔京東西路河北陝西江淮南民以柴薪渡河津者勿出筭稅上同

二十五日免河北諸州麴稅上同

四月十三日詔如聞雄霸州民因水壞田而艱食者多捕魚自給官復收其市筭宜除之上同

二十二日除饒信州買銅場壤稅錢上同

六年四月免瓊州螺蚌錢稅上同

七月詔曰闕市之征所以禁末業田疇之利所以勸力耕豈於稼器之中亦收商筭之利自今諸路州軍農器並免收稅 初知貴州呂夷簡言請免河北農器之稅

帝曰務穡勸耕古之道也豈獨河北哉故有是詔上同  
十九日詔諸路茶鹽酒稅及諸務自今總一歲之課合  
為一以祖額較之有虧損則計分數其知州軍通判減  
監官一等科罰州司典吏減專典一等區斷文臣及武  
臣知州軍者止罰通判已下 時上封者言諸路歲課  
增羨知州通判皆書歷為最有虧損則無罰請行條約  
故也上同  
八年六月三司言太平興國寺甘露戒壇院主壇昇於  
信州鉛山民程文祐施青碌八千斤充裝彩佛像浮圖  
乞免一路高稅者司見招誘入戶中賣入官若隱留貨  
物當行買納仍別勘罪今壇昇不獨無例免稅兼違先

吳興劉氏嘉業堂鈔本

降宣命欲下江南轉運司施行帝曰裝閣彩色不可闕  
須與民間收貯者不同論計司寢之上同

七月二十二日詔曰農牛之力田畝是資念疫癘之所  
傷實耕耘之有廢宜蠲市筭以助蒸民諸處百姓買賣  
牛稅並放一年上同

九年三月一日詔如聞雷州勒村者月納無名商稅錢  
自今除之上同

十二月二十一日詔河北京東民以車乘糴種糧者江  
一作河津渡勿收其筭俟稔歲奏以待報上同

天禧元年三月三司言石州伏落津路商旅棧木稅錢  
准例給長引不納沿路稅筭至京即併計之因茲為弊

願虧失課額望許沿路收稅帝曰如因修奉宮觀採數  
即依近詔停罷或久例所費當從其請上同

四月二十三日帝謂宰臣曰如聞知廣州李應機為政  
峻急先任廣南轉運使嘗言廣州民無丁稅未建議科  
納尋詔本路詳定累政皆難其事今應機領郡因欲遂  
其前志遠方之民務在綏輯驟增賦調亦恐非便可罷  
之上同

七月十一日詔開封府京東西河北河東陝西淮南等  
路旱損虫傷苗稼已經遣官體量者據分數便許改種  
上同  
十一月駕部員外郎張紳言泛海客旅於潤州及住程

吳興劉氏嘉業堂鈔本

州郡兩次納稅錢必恐興敗少利乞下兩浙轉運司如  
行船不經沿路地分只納一處稅錢從之上同

二年七月詔諸處乾食鹽錢不係屋稅田賦出於浮客  
旋配掠者並除之上同

八月二十七日免青州源河口乾渡課錢上同

三年七月除金水河水戶課錢上同

九月詔嵐州自來收稅脂麻宜特除之應諸處承前收  
稅斛斗者悉准此上同

四年七月淮南江浙體量安撫韓億言諸路民拆舍屋  
賣材木者請勿收稅筭從之上同

五年二月詔自今客人於蘄口太湖石橋洗馬等四處

場務算買諸色號茶貨如到泗州願取淮河前去入在  
一作陽潁州陳州舊路上京者聽從便今依例送納舊  
路商稅如願借汴河路上京者令只納舊路稅錢從汴  
上京更不令依宿亳州南京三處稅則例送納隨船行  
貨物色力勝頭子色角等錢即逐處依例收納上同  
月九免夔州買銀稅錢 先是本州買上供銀舊例商  
人齋銀入城者每兩稅錢四百五十文足如無鄰州公  
引即倍稅之以是商人罕復販鬻而所買殊少轉運使  
以為請而有是命上同  
仁宗天聖元年二月詔商販客旅於山陽權務算請茶  
課從起發地頭沿路經過禁權地分合納稅錢令在京

吳興劉氏嘉業堂抄本

權貨務抄上文簿拘轄各交引鋪戶充保給與公憑沿  
路批鑿合納稅錢自起離請茶場務月分為始立限半  
年一併於在京權貨務收納每年不曾磨勘常有積欠  
本路分稅見有違限未納錢四萬九千六百餘貫及限  
未滿錢二十二萬八千五百餘貫自今每違限一月係  
欠每十斤罰納錢一千違限三月係欠每十斤罰納錢  
一千違限三月已上除依月納錢外差人監貨元通抵  
當家業陪填如不足即於連保鋪戶下均攤收理委都  
大提舉庫務每年終取索驅磨當年已納見欠數目以  
聞上同  
七月三司監鐵副使俞獻可言乞下陝府西轉運司令

鳳州或鳳翔府每川陝綱運令稅務監官十檐內許抽  
揀一兩檐點檢如有影帶匹帛即盡底點檢勘罪依條  
施行從之上同

八月十六日三司言據杭州狀富陽縣民蔣澤等捉到  
客人沈贊羅一百八十二匹沒納入官支給賞錢省司  
看詳條貫婺州羅帛客旅沿路偷稅盡納入官即無條  
許支告人賞錢欲依條支給數多不得過一百貫從之

上同

十月十三日淮南江浙荆湖制置發運使趙賀言乞下  
淮南江浙荆湖轉運司令沿江河州軍商稅務應綱運  
經過晝時點檢發遣不得住滯從之上同

吳興劉氏嘉業堂鈔本

二年四月在京商稅院言舊例諸色人將銀并銀器出  
京城門每兩稅錢四十文足金即不稅請自今每兩稅  
錢二百文省從之上同

七月詔商旅算射十三山場茶貨沿路稅務驗認公引  
如正茶與耗茶相隨即免耗稅茶到住賣處不以正耗  
並收稅若或無正茶只是耗茶據數收稅即不得將貼  
射一色中號茶秤出剩數收納淨利倍稅阻滯算射上同  
九月五日三司請自今應緣聘禮物色匹帛除本州縣  
使用即免納稅出他境及經由商稅處即依例收稅所  
在不得出聘禮公驗從之上同

三年七月二日方仲荀張綸等言荆湖路州軍攬載官

中糧斛客船乞放免沿江州軍上水空船力勝稅錢從  
文同上

八月司封員外郎盛京言萬州民貨鬻斛斗高稅務收  
納稅錢緣村民刀耕火種所獲不多望免收稅帝曰遠  
俗至貧非理科率何以存濟宜亟依所請同上

四年四月免諸路州軍犂具稅錢 時高郵軍商稅務  
令農民納犁具稅錢本軍以為言而有是命同上

六日審刑院言准咸平四年詔京朝幕職官州縣官今  
後在任及赴任得替不得將行貨物色與販如違並科  
違勅之罪商物依例抽罰如非興販即逐處不得妄有  
點檢申舉俸餘買物贍家之外貨賣如有發露並作違

吳興劉氏嘉業堂鈔本

制私罪定斷參詳未便乞今後應官員使臣赴任不得  
興販行貨於本任貨賣及在任買物如違並依元勅定  
斷若得替抽稅並許於本處依在市見賣價例收買物  
色如或虧損致人論訴即依條施行從之同上

五月詔客旅興販山場榷務茶貨預先於在京榷貨務  
出給公憑沿路批上稅錢候到京一併送納所有禁榷  
地分合納稅錢以起離向南場務月為分始立限半年  
送納如違令倍納同上

七月詔山場榷務茶貨稅錢展限一年上京送納違限  
倍納之同上

八月七日京西體量安撫王咨言汝穎之間近值大水

衝注牛畜雖有原田無牛耕種乞下汝州應有百姓買  
賣耕牛特免稅錢從之上同

十月十三日免雄霸瀛莫深州順安保定信安軍人採  
劉蒲葦莎簾製造蘄箬簾箔兼捕魚鰕稅至來年麥成  
日依舊上同

十一月八日京西轉運使張意言免舉行端拱二年至  
大中祥符二年內勅百姓輸納二稅經過處津渡與免  
渡錢從之上同

五年六月詔客人買請茶貨出離禁地轉入清河欲於  
京東淮陽軍路往河北住賣處送納稅錢並依禁榷及  
通產地處正隔汴路河北入中茶貨批過稅錢體例今

吳興劉氏嘉業堂鈔本

於在京榷貨務請給公憑沿路批稅以指定住賣州軍  
稅錢日分為始於元限五十日上處襄四十日作三月  
限內上京於榷貨務送納如違限倍納仰元指定州軍  
據合收稅依則例抄上公憑令依例貨賣仍具挑過客  
人姓名稅錢關報榷貨務拘管依日限勾收催納上同

六年四月六日免荆南公安縣津渡收納牛稅錢以  
每月只收三五緡從轉運使王頊所奏免之上同

六月三日免梓州路轉下厥廬等州收納客旅輿販斛  
斗稅錢事 帝曰稅及民食無乃太過乎因本路奏從  
之上同

七月詔自今民販生鐵器上京所經縣鎮依諸雜物例

關報上京送納稅錢若山於率界縣鎮貨賣並令本縣  
收納過稅給付公引至所到縣鎮住賣別收住稅 時  
有商人自磁州販鬻鐵器經過府界諸縣而無收稅之  
例故商稅院言而條約之上同

九月十一日免雄霸等州軍水災人戶採捕魚鱉蓆葦  
箔者稅錢上同

十二月二十一日臣僚上言有乞稅錢陌者帝曰貨泉  
之利俾其流布而稅及之為患深矣不可施行上同

七年正月淮南江浙荆湖制置司言真楚州高郵軍狀  
客人執在京等貨務公憑并無為軍權貨務文帖筭買  
茶貨借路不原枝疑下泗真揚等州稅錢入汴上京虧却逐

吳興劉氏嘉業堂鈔本

務課利勘會客人筭買山場榷務茶貨元無借條始因  
大中祥符中客人買販斡口洗馬石橋太湖茶貨到蘆  
州泥水阻滯車牛權令轉江船般借路取真揚州高郵  
軍楚泗州經過只納舊路廬壽等州一路稅錢後來客  
人援例借汴路上京乞下三司定奪或與於真揚州高  
郵軍楚河宿州亳州永城南京稅務合收稅錢減放錢  
數今客人正納經過場務稅錢更不立借路名目三司  
看詳欲乞自今客人販賣斡口木湖洗馬石橋無為軍  
等五處場務茶貨如取西路廬壽正陽等州軍上京並  
令依舊送納本路稅錢或若水路船般轉江下來取東  
路真揚州高郵軍楚泗州宿州亳州南京經過上京者依

販買漢陽榷務等處茶例並依經過去處正收錢稅更  
不立借路名目依元日限於在京榷貨務送納從之上  
二月詔今後在京新城諸門使臣如有專欄作弊透漏  
稅物事販勘鞠指稅印章是專欄收掌雖招點檢不細  
致透漏收上稅物錢及一千其專欄曹司並勒停監官  
並為私罪勘斷仍將逐年本門收稅課額至年滿日比  
較如有增盈即依元勅與近地住程如虧欠二分已上  
即更與短使一次方與近地住程如與專欄知情容縱  
即更不免遠任差遣如有入已依條斷遣仍降差遣如  
比逐年增剩五分已上依元條免遠任仍與優便差遣  
其應條合送納商稅物色只及一千已下稅錢者并諸

吳興劉氏嘉業堂鈔本

竹木蓆箔之類並就門收稅放入更不押赴商稅院一  
千已上稅錢依舊於商稅院納稅出引上同

三月十七日兵部侍郎知青州李迪上言河北京東饑  
民有逐糶者望令所至與免渡錢從之上同

四月十二日詔諸州商稅人繒帛無得過為漬壞時  
內出眉州皂羅一端稅印朱漬數幅故也上同

九月七日三司戶部副使鍾瑾等上言河北水災州軍  
渡錢除商販鬻物仍舊輸課外其流民往還望免其課  
從之上同

九年四月二日詔萊州自今無得收牛肉稅筭時秘  
書丞張周物上言官禁屠牛而州場稅榜有收筭之文

請刊此條故也上同

八月十二日三司請自今臘面茶到京任賣者斤輸稅錢四十五文詔只輸二十文上同

閏十月九日除鎮戎軍羊毛稅錢從轉運使之奏也歲裁五十文上同

十年原校案天聖無十年此云十年恐誤二月十一日除明州海蛤沙地稅筭縱民收取上同

景祐元年十二月一日中書門下言如聞客人將牛畜興販經過州軍關津渡口及出賣去處故作邀難今來纔得豐稔人戶收買耕牛之際詔買賣牛畜錢於十分中量減二分上同

吳興劉氏嘉業堂鈔本

二年九月七日崇因院普安郡主尼法護言宣化門收買果園地遷葬故父蘇王及母親續買菜園四所展本院墳園乞免逐年夏稅開封府據園地土與免稅所有菜園等許令依舊佃蒔即不得一例放免稅賦上同

四年八月四日詔自今諸路外縣鹽茶酒稅務除有正官專監其比較虧少課額令佐自來係兼監去處所有賞罰一依都監押兼監賞罰條例減專監二等上同

十月二十七日詔沿邊都監押雖不兼監場務或有興販私鹽酒等公然容縱不捉赴官致虧課利自今須多方巡轄不得違慢如別彰露監押並勘罪施行上同

康定元年十一月十九日詔訪聞諸路州軍所收諸般

課利近日當職官吏頻有規畫增添名額刻削名利刻  
剝奉上及搜檢稅物不依條例妄作邀難任滯商旅冀  
為績効苟免責罰且令州府軍監縣鎮關津今後並依  
自來體例點檢不得創增無名稅額及搜檢過往家屬  
茶鹽酒麪諸般課利並循舊規不得妄有規畫增添上同  
慶歷五年五月二日三司使王堯臣言請今後在京及  
諸州陳告稅物見在未貨易者與限二十日已貨易與  
限十日許諸色人陳告仍以隱稅日為始殺猪羊者以  
私殺日為始並須依編勅指定隱藏處所及賣與何人  
照證分明在日限內官司方得受理若貨已易其物見  
在照證分明只據見在物許告官與限半月仍以偷稅

吳興劉氏嘉業堂鈔本

貨易日為始物無見在及限外不得告論官司亦不得  
受理其在限外而因官司點檢敗獲者自依漏稅勅條  
施行從之上同

八年十二月詔河北京東西災傷州縣流民隨行之物  
所直三千錢已下已令免稅尚慮諸處輒有苛留宜一  
切勿稅上同

皇祐三年九月詔沿汴河商稅務毋苛留公私舟船上

四年十一月詔廣南東西路安撫轉運司應經賦焚劫

州縣倍加安輯之其營構室廬竹木並蠲其稅上同

嘉祐六年三月詔龍圖閣直學士楊敞於三司取天下  
課利場務五年併增虧者限一月別立新額 時場務

歲課多虧惟逐時科校主典而三司終不為減舊額故  
帝特行之上同

神宗熙寧四年正月二十八日詔三司應買樸酒麴諸  
坊場每貫納稅錢五十文仍別封樁以祿吏人上同

六年十二月二十五日詔京外城二十門監門自今更  
不管認課利但隨閑要分五等以透漏捕獲出入商稅  
錢數為賞罰 從都商稅院請也上同

八年正月十二日詳定編敕所言相度到開封府界京  
東京西路黃牛并水牛角乞通商販從之上同

五月十五日都提舉市易司言昨商稅院奉詔流民物  
貨不多免稅錢今已豐熟而諸門放稅如故慮失歲課

吳興劉氏嘉業堂鈔本

請如舊制從之上同

元豐元年七月十二日詔諸路轉運司就解舍所在州  
置都斗秤務委都監管轄工作別差官較定送諸州商  
稅務賣之上同

八月十三日詔開封府界京東路皮角並依舊通商上同  
二十八日瀆□滄三州第四等以下被水災民零販竹  
木魚果炭箔等物稅百錢以下聽權免一季上同

三年三月二十四日都大提舉導洛通汴司宋用臣言  
近泗州置場堆垛商貨本司船承攬般載將欲至京乞  
以通津水門外順成倉為堆垛場從之上同

四月二十八日詔非導洛司船輒載商人稅物入汴者

雖經場務投稅並許人告罪賞依私載法即服食器用  
日費非販易者勿禁官船附載發箔柴草竹木亦聽仍  
責巡河催綱巡檢都監司覺察 從宋用臣請也

十二月二日瓊管體量宋初平言海南收稅用船之丈  
尺量納謂之格納其法分為三等假如五丈三尺為第  
二等則是五丈二尺遂為第三等所減纔一尺而納錢  
多少相去十倍加之客人所來州郡物貨貴賤不同自  
泉福兩浙湖廣來者一色載全銀匹帛所值或及萬餘  
貫自高化來者唯載米色瓦器牛畜之類所值或不過  
二三百貫其不等如此而用丈尺槩收稅甚非理也以  
故泉福客人多方規利而高化客人不至以此海南少

吳興劉氏嘉業堂鈔本

有牛米之類今欲立法使客船須得就泊瓊崖儋萬四  
州不用丈尺止據物貨收稅訖官中出與公憑方得於  
管下出賣其偷稅之人并不就海口收稅者許人告並  
以船貨充賞從之上同

四年八月七日後苑房廊所言取蔡河南房廊屋并舊  
在驥驥院地修葺寄收蔡河賈人穀及堆垛六路百貨  
從之上同

十五日都大提舉汴河隄岸宋用臣言本司沿汴及京  
城所房廊地並召人僦納官課紙紅花麻布醪行皆隸  
本所為堆垛場今馮景拘欄賣紙欲乞據本司已立逐  
行外餘令馮景拘欄所貴課額各辦詔八月已前以貨

隄岸司及京城所房屋堆垛物在地者更不起遣餘毋得妄拘欄騷擾行市上同

六年九月四日京東路轉運副使吳居厚言本路元豐三年秋季至今年上半年終酒稅課利此元豐二年前

官任內祖額增百七十九萬五千餘緡其前任內二年酒稅比祖額虧二十一萬緡上批居厚於二三年間坐

致財用數百萬計三省可議賞典上同哲宗元祐三年四月十一日淮南路轉運司請減安河

務稅令龜山鎮置務為稅額從之上同六月二十三日詔在京都高稅院以天聖年所收歲課

為額元祐初戶部用五年并增法立新額至是言者

吳興劉氏嘉業堂鈔本

論之故有是詔上同

六年正月十八日京東轉運司言宣德郎趙靖一作請

修徐州百步呂梁仍差小使臣一員專監河稅兼管幹

隄門公事立課程留帶約束損壞決溢之法從之上同

七年七月七日詔罷諸路入戶買撲土產稅場上同

八年十月二十三日詔外路客人興販斛斗願入京羅

貨者應合收力勝稅錢並權免納以尚書省言在京

穀貴欲使商販流行以平市價也上同

紹聖元年九月二十五日詔府界并諸路稅務年終課

利增額並依元豐格從三省請也上同

三年十一月十八日殿中侍御史陳次升言監司自元

祐四年後取稅額增虧及二分者比類取旨賞罰請令  
戶部責限勾考從之上同

徽宗建中靖國元年三月十四日戶部狀近據兩浙轉  
運司申訪聞民間日前多有典買田宅孳畜船車等私  
立契書因為少得見錢赴官投納印稅內因循出違條  
限避免倍輸多是收藏白契在私不曾經官投納稅錢  
本司申請者部畫降指揮許與展限首納只收一重正  
稅官錢所展限內稍有首稅名件今來欲乞依逐次已  
得指揮自指揮到日為始從之上同  
二十五日刑部狀峽州申准元符令節文諸請給若恩  
賜物免稅其品官供家服用之物非興販者准此看詳

吳興劉氏嘉業堂鈔本

上條品官供家服用之物未審品官合用馬牛駝騾驢  
合與不合入服用之例送寺參詳據本寺狀元符令服  
用之物止謂衣帛器用之屬其馬牛駝騾驢即非服用  
之物從之上同

崇寧元年十二月十一日京東都大提舉汴河隄岸榆  
柳賊盜公事王憲等奏乞復興導洛物貨場如乞委  
臣等一面措置興復物貨場故事仍乞依舊於順成倉  
擗截教屋為之場地其泗州揚屋即下本州修葺其合  
用舟船逐急於淮南發運司撥借溫明州運船一百隻  
應副貼黃稱勘會京西先亦曾置物貨塌場用官船般  
載客貨收納貨利錢如蒙興復即乞一就施行從之令

鄭僅同共相度聞奏上同

二年四月九日尚書省劄子涇原路經畧安撫使邢恕奏本路撫養庫回易物貨乞特免沿路往復商稅從之

上同

五年九月十七日詔令戶部取索天下稅務自今日以前五年內所收稅錢并名件歷差官看詳參酌稅物名件稅錢多寡立為中制頒下諸路造為板榜十年一易永遠遵守外輒增名額及多收稅錢並以違制論其民間柴薪米鹽衣服之類與免收稅仍各不得虧損元額候立到法仰三省看訖頒降施行先自京畿四輔以及天下上同

吳興劉氏嘉業堂鈔本

大觀四年四月二十二日工部奏故贈開封儀同三司張康國妻成安郡夫人喻氏狀本家見就揚州修置夫開府墳塋欲於淮濱真楊等州收買木植博瓦釘灰彩色朱漆雜物之類應副裝修使用欲乞蠲免沿路場務抽解及拘欄和買收稅等工部檢准元符令諸太中大夫閤門使以上買竹木之類修宅者許自給文憑逐處審驗免和買今來喻氏所乞內和買一節本部勘當欲依上條施行戶部勘會元符令止是免和買所有抽解收稅等無文該載許免今勘當所乞欲依元符條令施行詔依喻氏所乞上同

政和三年八月十六日淮南路轉運副使徐闕中奏乞

將真州江口抽稅竹木務正監官窠闕許轉運司於文  
臣內奏舉知縣令或職官資庫人一次候至成任比較  
如委有增羨即乞永遠充本司舉辟窠闕其俸錢依品  
官外供給驛券人從並依元監官所得指揮施行從之  
上同  
七年三月二十二日陝西河東河北路宣撫使司奏據  
環慶路經畧司申檢會崇寧二年四月十一日涇原路  
經畧安撫使邢恕奏先乞降空名度牒二千道充本路  
撫養庫支用於在京及諸路取便出賣回易所有物貨  
乞特免沿路往復商稅有旨依奏令來邊事之際全藉  
回易收息應副支用伏乞詳酌將本路撫養庫探事本

今

吳興劉氏嘉業堂鈔本

錢往諸處回易其易買物貨許依涇原體例特免沿路  
往復商稅從之上同

八年八月十七日臣僚上言伏見天下高稅務欲乞應  
客人商稅之物所經由私小路並令欄頭只批引放過  
就前路官務照驗一併收稅庶幾可以少絕偷稅之弊  
有補財用詔臣僚所言關市之征走失正稅漕司失職  
邦計何賴仰戶部遍牒諸路漕司措置施行上同

宣和元年正月二十七日詔應客人興販未解般赴災  
傷州縣並免沿路力勝稅錢候豐熟日依舊從江西  
提舉常平司請也上同

二年十一月十八日臣僚上言乞降睿旨應宮觀寺院

臣僚之家雜載舟船若過關津並許搜檢依條輸納稅錢仍歲終具所過次數申轉運司類聚奏聞取旨庶幾不至虧失常賦而背公營私之徒有所畏懼詔並依元豐法應專降指揮更不施行上同

三年二月二十八日詔江東兩浙近緣群賊燒劫居民屋宇今來人戶漸已歸業修葺居止應人戶採買及客販瓦木材植之類往江浙被盜處營葺及貨賣者與免沿路抽分及力勝稅錢關津渡口不得少有邀阻乞覓監司巡歷所至覺察上同

三月二十三日又詔被焚劫州縣人戶販賣物色錢往他處收買修造村植等官為給據免抽稅一年上同

村  
疑  
和

吳興劉氏嘉業堂鈔本

四月二十五日詔訪聞比來客人興販斛斛舟船多是官綱及寺觀等船截攔河道非理阻節州軍縣鎮虛以和糴為名邀抑不得起發所至場務公私搔擾乞覓錢物稍有不從即加搭力勝收稅過數當職官容縱監司失於措置緣此商賈不行其弊甚大可立法懲革仍通行合屬路分州委守臣縣委令佐分明出榜曉諭客人應興販斛斗如願赴都下者限指揮到日與權免力勝蕪角等錢半年其所販斛斗候至京許令依市價徑自糴賣限滿依舊應有關防等及合下路分令尚書省條具取旨上同

八月十二日詔應興販及買蠶織農具及耕牛往兩浙

江東路者仰經所屬自陳給公憑照會沿路免稅一年  
津渡官司不得少有邀阻於本路興販及買賣者准此  
上同

四年二月二十日詔應諸路近歲增收稅錢舊充應奉  
既非漕計又非諸司所隸無會計之法吏緣為姦十失  
八九可並撥歸應奉司充御前支用仍委諸路提刑司  
拘轄稽察歲終具逐州縣收支見管應奉司依已降指  
揮驅磨以聞他司輒陳乞或移用者以違御筆論上同  
五月二十七日發運副使呂滌奏契勘江寧府真潤州  
有抽稅木植欲乞指揮除朝廷取撥分數外盡撥充添  
修倉屋打造網船使用庶省官錢從之上同

吳興劉氏嘉業堂鈔本

六月十四日詔官司將客人船載有公據買鹽鈔見錢  
妄喝稅物收稅致留滯者依網運所至約唱無名稅錢  
法科徒二年從右朝請郎唐績請也上同

五年九月二十三日詔東南六路販入京斛斛自今年  
十月為頭依舊收納力勝上同

十二月十一日詔訪聞沿汴州縣添欄河鑠柵利在  
專欄乞覓監官不復宿直便於宴遊而已所收歲額未  
嘗別一作便有增羨其如留阻舟船官網兵梢糜費侵盜  
斛斛商旅營販夜以繼日今乃留滯公私不便可並令  
依元豐舊制仍曉諭商旅通知上同

二十日提舉京畿京西路監事狀河陽管下河陰汜水

縣稅務正當衝會只有添到歸朝官獨員在務其正官  
並各差出竊詳歸朝官依法不許差注獨員監務今相  
度欲令州縣場務監官內如有似此添差官係歸朝官  
去處其正官常留一員相兼管勾職事所有汜水河陰  
兩縣稅務已差出正官亦乞今日下還任詔從之如正  
官依條合差出即依獨員處差官兼權諸路依此上同  
六年八月二十五日戶部奏兩浙轉運司狀勘會管下  
州縣其間稅場雖舊不置監官所收課利浩瀚只令欄  
頭收稅赴錢甚失者則如平江府常熟縣支塘稅場雖  
屬許浦鎮稅務管勾只差欄頭在彼拘收稅錢不曾立  
定年額錢數及無正官監當今相度應管下稅鋪所收

吳興劉氏嘉業堂鈔本

稅錢數多無監官去處許本司於待闕或得替官選差  
權監措置收赴課額如一年內所收稅錢增羨聽本司  
相度置場舉辟有風力官申奏朝廷差注從之上同

七年正月二日詔在京小民日用之物多自外販比緣  
外方荒歉流移物來稍少其價甚貴細民艱食自今應  
在京及畿內油炭麴布絮商稅并力勝錢並權免收不  
得邀阻搜檢違者以違御筆論仍特與理為課額其稅  
錢令戶部月具數數申尚書取旨撥還上同

欽宗靖康元年四月十四日詔都城物價未平來者尚  
少入門豬羊及應干合稅物色並權更免稅一季以上

朝會要  
同上

續國



書